



SPORTCHILARNI BAXTSIZ HODISALARDAN EHTIYOT SHART SUG'URTA QILISH OFERTASI

Ushbu Ommaviy oferta (bundan buyon matnda Oferta deb yuritiladi) **“KAFIL-SUG'URTA” AJ** ning (bundan buyon matnda Sug'urtalovchi deb yuritiladi) noma'lum doiradagi jismoniy shaxslarga (bundan buyon Sug'urta qildiruvchi deb yuritiladi) yullangan quyidagi sug'urta shartlarida sug'urta shartnomasini Sug'urtalovchining axborot tizimlari vositasida tuzish taklifi bulib hisoblanadi. Sug'urtalovchi va Sug'urta qildiruvchi shartnoma taraflaridir.

Mazkur Ofepta shartlarining qabul qilinishi va shartlashilgan sug'urta mukofotining to'lanishi uning shartlarini akseptlash hamda Sug'urta qildiruvchining Sug'urta shartnomasini tuzishga roziligi bo'lib hisoblanadi. Sug'urta qildiruvchi tomonidan sug'urta mukofoti to'langanligi fakti tasdiqlanganidan keyin unga elektron sug'urta polisi yuboriladi va Sug'urta shartnomasi tuzilgan deb hisoblanadi.

O'zbekiston Respublikasi Fuqarolik kodeksining 370-moddasiga muvofiq Oferta shartlarining qabul qilinishi mazkur Oferta shartlarini so'zsiz qabul qilingan deb hisoblanadi va u bilan quyidagilarga rozilik ifodalanadi:

- mazkur Oferta shartlari, jumladan unda bayon qilingan sug'urta shartlariga rozilik;
- arizani to'ldirishda ko'rsatilgan shaxsga doir ma'lumotlar bilan sug'urta faoliyatini amalga oshirish maqsadida avtomatlashtirilgan yoki avtomatlashtirilmagan tarzda ishlov berish yuli orqali 5 yil muddatga ishlashga, jumladan ularni yig'ish, tizimlashtirish, to'plash, saqlash, aniqlashtirish, ulardan foydalanish, ularni egasini ko'rsatmaslik, bloklash, yo'q qilishga (yo'q qilish haqida xabar qilmagan holda), shuningdek sug'urta shartnomasini bajarish, ichki hujjat aylanmasini ta'minlash maqsadida uchinchi shaxslarga ularni berishga rozilik.

Sug'urta qildiruvchi Sug'urtalovchining internet resursi vositasida Sug'urta shartnomasini tuzish natijasida o'z huquqi va muomalaga layoqatligini tasdiqlaydi, shuningdek o'z zimmasiga yuklatilgan majburiyatlar yuzasidan javobgarlikni anglaydi.

Sug'urtalovchining internet resursida onlayn tarzda Sug'urta shartnomasini tuzish uchun Sug'urta qildiruvchidan uning elektron pochta manzili (agar bor bo'lsa) va mobil telefon raqami mavjudligi talab qilinadi.

Sug'urta qildiruvchi tomonidan Sug'urtalovchining internet resursida Sug'urta shartnomasini tuzish uchun zarur va muhim bo'lgan barcha ma'lumotlarni kiritish Sug'urta uchun ariza bo'lib hisoblanadi.

Sug'urtalovchi O'zbekiston Respublikasi Fuqarolik Kodeksining 933-moddasiga muvofiq sug'urta sirini saqlashga javobgar bo'ladi. «Oferta», «Sug'urta shartnomasi» va «Sug'urta polisi» havolalari bundan buyon matnda mazkur elektron hujjatga nisbatan bir xil ahamiyatga ega bo'ladi.

I. UMUMIY QOIDALAR

1.1. Mazkur Oferta Sug'urta faoliyatini tartibga soluvchi O'zbekiston Respublikasining amaldagi Qonunchiligiga, Moliya Vazirligi tomonidan berilgan Litsenziya hamda «KAFIL SUG'URTA» AJ sug'urta kompaniyasi Ustaviga muvofiq ravishda ishlab chiqilgan bo'lib, sport bilan shug'ullanuvchi shaxslar (professional yoki havaskor sportchilar)ni baxtsiz hodisa natijasida sog'liqning qattiq shikastlanishi yoxud shuning natijasida vafot etgan taqdirda sug'urtalangan shaxs (voris)ga sug'urta to'voni to'lanishini ta'minlovchi Umumiy sug'urta tarmog'ining I-klassga oid sug'urta turi hisoblanadi.

1.2. Mazkur Oferta shartlari asosida O'zbekiston Respublikasida doimiy yashaydigan fuqarolar, chet el fuqarolari va fuqaroligi bo'lmagan shaxslar, sport jamoasi, klubi, Sug'urta qildiruvchi (yuridik shaxs)lar sportchilar foydasiga o'z mablag'lari hisobidan, shuningdek sport bilan shug'ullanuvchi jismoniy shaxslar, professional yoki havaskor sportchi o'z mablag'lari hisobidan «KAFIL SUG'URTA» AJ va uning xududiy bo'linmalari bilan sug'urta shartnomasini tuzishlari mumkin.

1.3. Sug'urta shartnomasi Sug'urta polisi bo'yicha Sug'urtalovchi Sug'urta hodisasi yuz berganda Sug'urta qildiruvchiga (Sug'urtalangan shaxslarga) yoki Manfaatdor shaxsga shartlashilgan Sug'urta summasi doirasida sug'urta to'voni to'lashi lozim.

1.4. Mazkur Ofertada ishlatiladigan atamalar mazmuni:

Sug'urtalovchi	«KAFIL SUG'URTA» AJ va uning hududiy bo'linmalari;
Sug'urta qildiruvchi	Sug'urtalovchi bilan Sug'urta shartnomasini tuzgan jismoniy va yuridik shaxslar;
Sug'urtalangan shaxs	Uning foydasiga Sug'urta shartnomasi (Sug'urta polisi) tuzilgan sport bilan shug'ullanuvchi (professional yoki havaskor) sportchilar;
Manfaatdor shaxs	Sug'urtalangan shaxs tomonidan o'zini vafoti tufayli Sug'urta tovonini olishga tayinlangan shaxs; Xususiyati, vaqti va joyi aniqlanishi mumkin bo'lgan turli tashqi omil (jismoniy, kimyoviy, texnik va boshqa)larning to'satdan, kutilmagan holatda ta'sir etishi.
Baxtsiz hodisa	Baxtsiz hodisa deb Sug'urtalangan shaxsni hohish irodasiga bog'liq bo'lmagan holda ularning tanasi jarohatlanishiga, tana a'zolarini ishlash funksiyasini o'zgarishiga yoki o'limiga olib keluvchi tabiatda bo'ladigan hodisalar natijasida kelib chiqqan shikastlanish (mayiblanish)lar yoki o'lim hisoblanadi, jumladan: kuyish, muzlab qolish, cho'kish, (shamollash va kasallik tufayli vafot etishdan tashqari), elektr toki va yashin urishi, tabiat hodisalari, portlash hamda hayvonlar tajovuzi, tishlashi natijasida shikastlanishlar, g'araz niyatli shaxsni hujumi, Sug'urtalangan shaxsning yiqilishi yoki ustiga biror bir jismni tushib ketishi, jismning urilishi, transport vositalarining (avtomobil, poyezd, tramvay va boshqalarni) ag'darilishi yoki ularning harakati vaqtida yo'l transport hodisalarida, mashina, mexanizmlardan va boshqa turdagi asboblardan foydalanayotganda olingan jarohatlar, tasodifan nafas olish yo'liga biror narsa tiqilib qolishi, kimyoviy moddalar ta'sirida kuchli zaharlanish, tasodifan suyak sinishi, chiqishi, bo'g'im va to'qimalarning uzilishi, tana a'zolarining to'liq yoki qisman yo'qotilishi, tish sinishi, noto'g'ri tibbiy manupulyatsiya natijasida a'zolarining uzilishi (jarohatlanishi, vafot etishi);
Sug'urta mukofoti	Sug'urta shartnomasiga asosan Sug'urta qildiruvchi tomonidan to'lanadigan pul mablag'i (badal);
Sug'urta polisi	Yagona avtomatlashtirilgan axborot tizimi tomonidan real vaqt rejimida shakllantirilgan seriya, raqamiga ega bo'lgan sug'urta qilish amalga oshirilganligini tasdiqlovchi hujjat;
Sug'urta summasi (Sug'urta ta'minoti)	Sug'urta polisida ko'rsatilgan, Sug'urtalovchining har bir Sug'urtalangan shaxsga nisbatan sug'urta to'voni/sug'urta to'lovini amalga oshirish bo'yicha eng yuqori majburiyatlari hajmini ifodalovchi pul mablag'lari miqdori;
Sug'urta to'voni	Sug'urtalovchi tomonidan Sug'urta hodisasi yuz berganda Sug'urtalangan shaxsga Sug'urta puli doirasida to'lanadigan pul miqdori.

II. SUG'URTA SUBYEKTI

Sug'urtalovchi va u bilan Sug'urta shartnomasi (Sug'urta polisi)ni tuzgan muomala layoqatiga ega bo'lgan O'zbekiston Respublikasida doimiy yashaydigan fuqarolar, fuqaroligi bo'lmagan shaxslar hamda O'zbekiston hududida faoliyat ko'rsatayotgan sport jamoalari, klublar (yuridik shaxslar) Sug'urta subyekti hisoblanadilar.

III. SUG'URTA OBYEKTI

Sug'urtalangan shaxslarning hayoti va sog'lig'iga bog'liq qonunlarga zid kelmaydigan moddiy qiziqishlari (sug'urtalashning yakka tartibida) yoki Sug'urtalanganlarning (sug'urtalashning jamoa tartibida) Sug'urta obyekti hisoblanadi.

IV. SUG'URTA HODISASI

4.1. Quyidagi hodisalar Sug'urta hodisalari hisoblanadi:

- a) Sug'urtalangan shaxsning sport musobaqalari yoki mashg'ulotlar o'tayotgan paytda baxtsiz hodisa tufayli jarohatlanishi;
- b) Sug'urtalangan shaxsning sport musobaqalari yoki mashg'ulotlar o'tayotgan paytda baxtsiz hodisa tufayli o'limi;
- v) a - kichik bandda ko'zda tutilgan sug'urta hodisalari ro'y berganda sug'urta tovonini to'lash to'g'risidagi qaror davolash muassasasining xujjatlari asosida qabul qilinadi.

4.2. Quyidagilar natijasida yuzaga kelgan holatlar Sug'urta hodisasi hisoblanmaydi:

- a) barcha xildagi o'tkir surunkali va nasliy kasalliklar (shu jumladan infarkt, insult va to'satdan a'zolarni kasallanishi, kasallikni nasldan naslga o'tish natijasida uni rivojlanishi), anafilaktik shok va oziq - ovqat toksikoinfeksiyasi (salmonellez, ichburug' va boshqalar);
- b) Sug'urtalangan shaxsning qasddan sodir etgan va sug'urta hodisasiga sabab bo'lgan jinoyati tergov yoki sud tashkilotlari tomonidan qasddan sodir etilgan deb topilsa;
- v) Sug'urtalan shaxs tomonidan transport vositasini alkogol, narkotik, toksik sarxushlik vaqtida boshqarishi yoki transport vositasini boshqarishni shunday sarxushlik holatidagi kishiga yoki transport vositasini boshqarish huquqiga ega bo'lmagan kishiga topshirishi;
- g) Sug'urtalangan shaxsning o'ziga-o'zi qasddan yetkazgan tan jarohati;
- d) yadro portlashi, radiatsiya va radiaktiv nurlanish, zaharlanish ta'sirida, harbiy harakatlar, harbiy mashqlar, fuqarolar urushi, ish tashlash, halq ko'tarilishini har xil turlari oqibatida olingan tan jarohatlari yoki o'lim.

V. SUG'URTA SHARTNOMASINI TUZISH TARTIBI VA MUDDATI

5.1.1. Mazkur sug'urta shartnomasi Sug'urtalovchi tomonidan Sug'urta qildiruvchiga sug'urta xizmatlarini sotish va ko'rsatish shartlarini belgilaydigan elektron hujjat bo'lib hisoblanadi;

5.1.2. Sug'urta shartnomasi (sug'urta polisi) Sug'urta qildiruvchi tomonidan Sug'urtalovchiga axborot tizimlaridan foydalangan holda takdim etilgan ma'lumotlar asosida shakllanadi;

5.1.3. Sug'urta qildiruvchi elektron arizaning to'ldirilishi shart bo'lgan kataklarini mustaqil va arizada ko'rsatilgan hujjatlarning aslidagi ma'lumotlarga qat'iy muvofiq holda to'ldiriladi;

5.1.4. Sug'urta qildiruvchi arizada ko'rsatilgan hujjatlarning ishonchliligi va asliga to'g'ri ekanligi uchun zimmasiga javobgarlikni oladi, shuningdek arizada ko'rsatilgan hujjatlarni ularning asliga muvofiq bo'lmaganida sug'urta hodisasi yuz bergan taqdirda, Sug'urtalovchi sug'urta tovonini to'lashni rad etish huquqiga ega ekanligiga rozi bo'ladi;

5.1.5. Arizada ko'rsatilgan va unga kiritilgan hujjatlarning ma'lumotlari avtomatik ravishda Sug'urta shartnomasiga (Sug'urta polisiga) kiritiladi.

5.1.6. Sug'urta qildiruvchi Sug'urtalovchining axborot tizimi yordamida sug'urta summasini mustaqil aniqlaydi, Sug'urtalovchining axborot tizimi esa Sug'urta qildiruvchi tomonidan ko'rsatilgan ma'lumotlardan va tanlangan variantlardan kelib chiqib, sug'urta mukofoti summasini shakllantiradi hamda Sug'urta qildiruvchi sug'urta mukofotining shakllantirilgan summasiga rozi bo'lgan taqdirda, uni to'lashga qadar Sug'urta qildiruvchi mazkur Qoida matni bilan tanishish majburiyatini oladi.

5.1.7. Qoidada taklif qilinadigan sug'urta shartlariga rozi bo'lgan taqdirda, Sug'urta qildiruvchi Sug'urtalovchining axborot tizimida o'z roziligini tasdiqlaydi va Sug'urta shartnomasini tuzish uchun arizani (bundan buyon matnda Ariza deb yuritiladi) Sug'urtalovchining axborot tizimidan foydalangan holda onlayn tarzda to'ldirishga kirishadi.

5.1.8. Arizani to'ldirishda Sug'urtalovchi uchun sug'urta hodisasi yuz berishi ehtimolini aniqlashda muhim ahamiyatga ega bo'lgan barcha zarur ma'lumotlarni va sug'urta hodisasi yuz berishidan ko'rilishi mumkin bo'lgan zararlar miqdorini (sug'urta tavakkalchiligini) ko'rsatish talab qilinadi. Barcha ma'lumotlar hujjatlarning asliga qat'iy muvofiqlikda ko'rsatilishi kerak.

5.1.9. Ariza to'ldirilganidan keyin, Sug'urtalovchining axborot tizimi tomonidan «Sug'urta mukofotini to'lash va Sug'urta polisini rasmiylashtirish» tugmasidan foydalanishga avtomatik tarzda ruxsat beriladi.

5.1.10. Sug'urta shartnomasi taraflari Sug'urta qildiruvchi tomonidan Sug'urta polisining olinishi Sug'urta shartnomasi (Sug'urta polisi) lozim darajada imzolanganligini tasdiqlaydi.

5.1.11. Sug'urta qildiruvchining Sug'urta mukofotini to'laganligi fakti Sug'urtalovchining axborot tizimi tomonidan tasdiqlangan sana mazkur Ommaviy oferta aksept qilingan va Sug'urta shartnomasi tuzilgan sanadir.

5.2. Sug'urta shartnomasi (polislari) bo'yicha to'lovni amalga oshirish tartibi:

5.2.1. Sug'urta shartnomasi (polisi) bo'yicha to'lovni amalga oshirish Sug'urtalovchi tomonidan qo'llaniladigan axborot (onlayn) tizimlaridan foydalangan holda amalga oshiriladi;

5.2.2. To'lov tizimining himoyalangan kanaliga keyingi qayta yo'naltirish uchun ariza qabul qilinganligini tasdiqlash Sug'urtalovchi tomonidan Sug'urta qildiruvchi arizani to'ldirayotganida ko'rsatib o'tgan mobil telefon raqamiga SMS-xabarni jo'natish yo'li bilan amalga oshiriladi;

5.2.3. SMS-xabar tasdiqlash kodi bilan birga olinganidan keyin Sug'urta qildiruvchi elektron to'lov tizimini tanlashi zarur, undan keyin u sug'urta mukofotining hisoblangan summasini Sug'urtalovchining hisob raqamiga o'tkazish uchun tanlangan to'lov tizimining saytiga avtomatik tarzda qayta yo'llanadi;

5.2.4. Sug'urta polisi uchun sug'urta mukofoti to'langanligi haqidagi tasdiq olinganidan keyin Sug'urtalovchining axborot tizimi Sug'urta polisini rasmiylashtirishni elektron shaklda avtomatik tarzda amalga oshiradi, Sug'urta qildiruvchining kiritgan telefon raqamiga Sug'urta polisining seriyasi, raqami va Sug'urta polisi elektron tarzda jo'natilganligi fakti haqidagi ma'lumotlarni ichiga olgan SMS-xabar jo'natilishi yo'li bilan Sug'urta qildiruvchini xabardor qiladi. SMS xabarda sug'urta polisini yuklab olish imkonini beruvchi havola mavjud bo'ladi.

5.2.5. Sug'urtalovchi to'lov provayderining harakatlari/harakatsizligi uchun, shuningdek Sug'urta qildiruvchining elektron to'lovlar tizimi va internet orqali to'lash bilan bog'liq zararlari va tavakkalchiliklari uchun javobgar bo'lmaydi.

5.2.6. Sug'urta mukofotini bank kartasi bilan to'lash bevosita Sug'urta qildiruvchi (Naf oluvchi) - karta egasi tomonidan amalga oshirilishi kerak. Agap Sug'urta qildiruvchi bank kartasini to'lov to'lash uchun boshqa shaxsga bergan bo'lsa, Sug'urta qildiruvchi bu bilan bog'liq barcha tavakkalchiliklarni o'z zimmasiga oladi va mazkur holatda sug'urta mukofotini to'lash Sug'urta qildiruvchi tomonidan amalga oshirilgan deb hisoblanishiga rozi bo'ladi.

5.2.7. Sug'urtalovchining axborot tizimida «Sug'urta mukofotini to'lash va Sug'urta polisini rasmiylashtirish» tugmasini bosish bilan, shuningdek shakllantirilgan sug'urta mukofotini to'lagan holda Oferta yo'llangan shaxs O'zbekiston Respublikasi Fuqarolik kodeksining 370-moddasiga muvofiq mazkur Qoida shartlariga rozi ekanligini bildiradi.

VI. SUG'URTA SUMMASI VA SUG'URTA MUKOFOTI MIQDORI VA UNI TO'LASH TARTIBI

6.1. Sug'urta qildiruvchi Sug'urtalovchining axborot tizimi yordamida sug'urta summasini mustaqil aniqlaydi, uning eng kam miqdori 20 000 000,00 (yigirma million) so'm miqdorida bo'ladi. Sug'urtalovchining axborot tizimi esa Sug'urta qildiruvchi tomonidan ko'rsatilgan ma'lumotlardan va tanlangan variantlardan kelib chiqib, sug'urta mukofoti summasini shakllantiradi.

6.2. Eng kam sug'urta tarifi miqdori yillik 0,4 foiz qilib belgilanadi.

Sug'urtalovchi Sportchi shug'ullanadigan sport turini xavf darajasi, baxtsiz hodisalar bo'lish ehtimolidagi omillarni, ish sharoitini va boshqa xususiyatlarni inobatga olgan holda sug'urta tarifi miqdorini oshirishi mumkin.

6.3. Sug'urta shartnomasi bo'yicha sug'urta mukofotining miqdori sug'urta summasini sug'urta tarifiga ko'paytirish orqali Sug'urtalovchi tomonidan aniqlanadi. Sug'urta mukofoti qo'shimcha qiymat solig'isiz hisoblanadi.

6.4. 1 yildan kam muddatga Sug'urta shartnomasi tuzilayotganda sug'urta mukofoti miqdori yillik sug'urta mukofot miqdoridan sug'urta muddati uchun quyidagi miqdorda belgilanadi.

1 kundan 30 kungacha	20%	181-210 kungacha	70%
31 kundan 60 kungacha	25%	211-240 kungacha	75%

61 kundan 90 kungacha	30%	241-270 kungacha	80%
91-120 kungacha	40%	271-300 kungacha	85%
121-150 kungacha	50%	301-330 kungacha	90%
151-180 kungacha	60%	331-365 kungacha	95%

6.5. Sug'urta mukofoti to'lovi Sug'urta qildiruvchi bank kartasi bilan bevosita karta egasi tomonidan amalga oshiriladi. Agap Sug'urta qildiruvchi bank kartasini to'lov to'lash uchun boshqa shaxsga bergan bo'lsa, Sug'urta qildiruvchi bu bilan bog'liq barcha tavakkalchiliklarni o'z zimmasiga oladi va mazkur holatda sug'urta mukofotini to'lash Sug'urta qildiruvchi tomonidan amalga oshirilgan deb hisoblanishiga rozi bo'ladi. Sug'urta mukofoti qo'shimcha qiymat solig'isiz hisoblanadi.

VII. SUG'URTA SHARTNOMASINI KUCHGA KIRISHI

7.1. Sug'urta shartnomasi Sug'urtalovchi tomonidan Sug'urta qildiruvchi/Sug'urtalangan shaxsga sug'urta xizmatlarini sotish va ko'rsatish shartlarini belgilovchi elektron hujjat sanaladi.

Polis Sug'urta qildiruvchining yozma tarzda Ariza-anketasi asosida rasmiylashtiriladi. Polis sug'urta mukofoti to'langandan so'ng Sug'urta qildiruvchiga beriladi.

7.2. Sug'urta shartnomasi (sug'urta polisi) Sug'urta qildiruvchi tomonidan Sug'urtalovchiga axborot tizimlaridan foydalangan holda taqdim etilgan ma'lumotlar asosida shakllanadi.

7.3. Sug'urta qildiruvchi elektron arizaning majburiy maydonlarini mustaqil va arizada ko'rsatilgan asl hujjatlarning ma'lumotlariga qat'iy muvofiq ravishda to'ldiradi.

7.4. Sug'urta qildiruvchi taqdim etilgan hujjatlarning haqqoniyligi va asl nusxalarga mosligi uchun javobgarlikni o'z zimmasiga oladi, shuningdek hujjatlar ularning asl nusxalariga mos kelmaganda, sug'urta hodisasi ro'y berganda, Sug'urtalovchi sug'urta badalini to'lashdan bosh tortish huquqiga egaligiga rozilik bildiradi.

7.5. Arizada ko'rsatilgan va unga kiritilgan hujjatlar ma'lumotlari avtomatik ravishda sug'urta shartnomasiga (Sug'urta polisiga) kiritiladi.

7.6. Tomonlar Sug'urta polisini Sug'urtalovchi tomonidan arizada ko'rsatilgan elektron pochta manziliga uzatish Sug'urtalovchiga sug'urta shartnomasini (Sug'urta polisini) tegishli ravishda topshirish bo'lib hisoblanishiga o'z roziligini tasdiqlaydilar.

7.7. Sug'urta qildiruvchi Polisni olgandan so'ng Polisda ko'rsatilgan barcha Sug'urta qilingan shaxslarni mazkur Sug'urta qoidalar bilan tanishtirishi shart. Ushbu talabni buzish (bajarmaslik) Sug'urta qilingan shaxslarni mazkur Sug'urta qoidalarida nazarda tutilgan majburiyatlarni bajarishdan ozod etmaydi va Sug'urtalovchiga mazkur Sug'urta qoidalar shartlari bilan tanishmaganlik va/yoki rozi emaslik borasida talablar qo'yish uchun asos bo'la olmaydi.

VIII. SUG'URTA SHARTNOMASI (SUG'URTA POLISINI) AMAL QILISHNI TO'XTATILISHI

8.1. Sug'urta polisining amal qilishi O'zbekiston Respublikasi qonunchiligida ko'zda tutilgan holatlarda bekor qilinadi.

8.2. Polis Sug'urta qildiruvchining yozma arizasiga binoan istalgan vaqtda muddatdan oldin bekor qilinishi mumkin.

8.3. Sug'urta mukofotini to'liq/qisman qaytarish Sug'urta qildiruvchi tomonidan Polis Sug'urtalovchiga qaytarilishi sharti bilan hisobvaraqqa (plastik kartaga, bankdagi hisobvarag'iga yoki talab qilib olinadigan hisobvaraqqa) pul mablag'larini bir yo'la o'tkazish yo'li bilan quyidagi tartibda va holatlarda amalga oshiriladi:

8.4. Sug'urta qildiruvchi ushbu Sug'urta polisida ko'rsatilgan Polisning amal qilish muddati boshlanishidan avval sug'urta qilishdan voz kechish haqida ma'lum qilsa – Sug'urtalovchi unga to'langan sug'urta mukofotini to'liq hajmida qaytaradi.

8.5. Sug'urta qildiruvchi ushbu Sug'urta polisida ko'rsatilgan Polisning amal qilish muddati boshlanganidan so'ng sug'urta qilishdan voz kechishi haqida ma'lum qilsa – Sug'urtalovchi unga to'langan sug'urta mukofotini tugamagan sug'urta davri uchun belgilangan hajmida qaytaradi.

8.6. Sug'urta mukofoti quyidagi holatlarda qaytarilmaydi:

8.6.1. Ushbu Qoidada ko'rsatilgan sug'urta davri mobaynida sug'urta hodisasi ro'y berib, Sug'urtalovchi o'z majburiyatlarini bajargan yoki bajarayotgan bo'lsa;

8.6.2. Sug'urta qildiruvchi Sug'urta polisida ko'rsatilgan sug'urta davri tugagandan so'ng, sug'urta qilishdan voz kechish haqida ma'lum qilganda.

IX. TOMONLARNING HUQUQ VA MAJBURIYATLARI

9.1. Sug'urta qildiruvchi (Sug'urtalangan shaxs) huquqlari:

a) Sug'urta qildiruvchi Sug'urtalovchidan Sug'urta shartnomasining amal qilish davrida sug'urtaga doir maslahatlar olish;

b) Sug'urta shartnomasini tuzayotganda Manfaatdor shaxsni tanlash;

v) Sug'urta hodisasi yuz berganda uning foydasiga tuzilgan Sug'urta shartnomasi bo'yicha Sug'urtalovchi tomonidan qabul qilingan majburiyatlarni bajarilishini talab qilish;

9.2. Sug'urta qildiruvchi (Sug'urtalangan shaxs) majburiyatlari:

a) Sug'urta shartnomasi tuzilayotganda Sug'urta qildiruvchi o'ziga ma'lum bo'lib, Sug'urta hodisasi yuz berishi ehtimolini va uning yuz berishi tufayli kutilajak zarar miqdori (Sug'urta havfi)ni aniqlash uchun muhim ahamiyatga ega bo'lgan holatlar to'g'risidagi ma'lumotlarni Sug'urtalovchiga xabar qilish;

b) Sug'urta qildiruvchi (Sug'urtalangan shaxs) Sug'urta mukofotini Sug'urta shartnomasida belgilangan muddatda to'lash;

v) Sug'urta qildiruvchi shartnoma tuzilayotganda Sug'urtalovchiga ma'lum qilingan holatlarda yuz bergan, o'ziga ma'lum bo'lgan muhim o'zgarishlar to'g'risida, Sug'urta shartnomasining amal qilish davrida bu o'zgarishlar Sug'urta havfi ortishiga jiddiy ta'sir ko'rsatishi mumkin bo'lsa, Sug'urtalovchiga darhol xabar qilish;

g) Sug'urta qildiruvchi (Sug'urtalangan shaxs) Sug'urta shartnomasi bo'yicha Sug'urta hodisasi yuz berganda, Sug'urta hodisasi sodir bo'lgan vaqtdan 30 (o'ttiz) kundan kechikmay Sug'urtalovchini yoki uning Sug'urta agentini yozma ravishda xabardor qilish;

d) Zarur hollarda Sug'urtalovchiga qarashli shifokor-ekspertga jabrlangan Sug'urtalangan shaxsning sog'lig'ini holati va kasallik tarixini o'rganish uchun ruxsat berish.

9.3. Sug'urtalovchining huquqlari:

a) Sug'urta qildiruvchi (Sug'urtalangan shaxs) Sug'urta shartnomasi tuzilgandan so'ng Sug'urtalovchiga bila turib (sog'liq va sug'urta xavfiga oid) yolg'on ma'lumotlar berganligi aniqlansa, Sug'urtalovchi shartnomani haqiqiy emas deb topish;

b) Sug'urta shartnomasi tuzilayotganda Sug'urtalovchi Sug'urta qildiruvchi sog'lig'ining haqiqiy holatini aniqlash uchun uni tekshirtirish;

v) zarur hollarda vakolatli tashkilotlardan qo'shimcha ma'lumotlar olish;

g) Sug'urtalovchi o'ziga qarashli shifokor-ekspertni jabrlangan Sug'urta qildiruvchi (Sug'urtalangan shaxs)ning sog'lig'ini holati va kasallik tarixini o'rganish uchun yuborish;

d) Sug'urta qildiruvchi (Sug'urtalangan shaxs) Sug'urta shartnomasida belgilangan muddatda Sug'urta mukofotini to'lamagan taqdirda Sug'urtalovchi shartnomani bekor qilish;

e) Sug'urtalovchi Sug'urta hodisasi yuzaga kelishida aybdor shaxslarga nisbatan to'langan pulni undirish uchun sud da'vo qo'zg'atish.

9.4. Sug'urtalovchining majburiyatlari:

a) Sug'urta qildiruvchi (Sug'urtalangan shaxs)ni sug'urta Qoidalari bilan tanishtirish;

b) Sug'urta qildiruvchi (Sug'urtalangan shaxs)ga Sug'urta mukofoti to'langandan so'ng 3 kun muddatdan kechikmay Sug'urta polisini berish;

v) Sug'urta hodisasi ro'y berganda Sug'urta qildiruvchiga (vorislariga) Ofertada belgilangan muddatda va tartibda Sug'urta tovonini amalga oshirish;

g) Sug'urta tovonini to'lovi rad etilganda, Sug'urta qildiruvchiga yozma ravishda xabar qilish;

d) Sug'urta qildiruvchiga Sug'urta shartnomasi muddati davomida sug'urtaga oid maslahatlar berish.

X. SUG'URTA DA'VO ARIZASINI KO'RIB CHIQISH VA SUG'URTA TOVONI MIQDORINI ANIQLASH

10.1. Sug'urta hodisasi yuz berganda Sug'urtalovchi Sug'urtalangan (Manfaatdor) shaxsning da'vo arizasi bilan 11.1-bandda ko'rsatilgan barcha zarur hujjatlarni qabul qilib olgandan so'ng sug'urta shartnomasi shartlariga ko'ra sug'urta tovonini to'laydi.

10.2. Mazkur Ofertaning 4.1.a-bandida ko'rsatilgan Sug'urta hodisasi ro'y berganda to'lanadigan Sug'urta tovonni miqdori Kompaniya Bosh ofisi tomonidan tasdiqlangan "Baxtsiz hodisalardan ehtiyot shart sug'urta qilishning barcha turlaridan sug'urta hodisalari bo'yicha sug'urta tovonini aniqlash va to'lash tartiblari to'g'risidagi" uslubiy ko'rsatmaga ko'ra sug'urta pulidan foiz hisobida aniqlanadi.

10.3. Mazkur Ofertaning 4.1.b-bandida ko'rsatilgan Sug'urta hodisasi ro'y berganda Sug'urta shartnomasida belgilangan Sug'urta pulining 100 foizi miqdorida to'lanadi. Bunda to'lanadigan sug'urta tovonidan baxtsiz hodisa tufayli jaroxatlanishga ilgari to'langan to'lov chegirib qolinadi. Sug'urta tovonni Sug'urta shartnomasida ko'rsatilgan Manfaatdor shaxsga to'lanadi. Agar Sug'urta shartnomasida Manfaatdor shaxs ko'rsatilmagan bo'lsa, Sug'urta tovonni (Sug'urta puli) Sug'urtalangan shaxsning vorislariga to'lanadi.

Umumiy to'langan pul Sug'urta summasidan oshmasligi kerak.

10.4. Sug'urta tovonni Sug'urta qildiruvchi (Sug'urtalangan shaxs) yoki Naf oluvchining bankdagi hisob raqamiga pul o'tkazish orqali to'lanadi.

10.5. Sug'urta shartnomasi (Sug'urta polisi) kuchda bo'lgan davrda Sug'urtalangan shaxs olgan jarohati tufayli Sug'urta ro'y bergan kundan bir yil ichida vafot etsa, Manfaatdor shaxsga yoki vorislariga Sug'urta tovonni to'lanadi.

XI. SUG'URTALOVCHIGA HUJJATLARNI TAQDIM QILISH TARTIBI

11.1. Sug'urta tovonini olish uchun Sug'urtalovchiga quyidagi hujjatlar taqdim qilinishi lozim:

-Sug'urtalangan shaxsning baxtsiz hodisa tufayli jaroxatlanishida Sug'urta qildiruvchi (Sug'urtalangan shaxs) Sug'urtalovchi nomiga yozilgan Sug'urta tovonini to'lab berish talabi ko'rsatilgan ariza, sug'urta polisi va oluvchining shaxsini tasdiqlovchi hujjat, sug'urta hodisasi yuz berganligini tasdiqlovchi davolash muassasasining ma'lumotnomasi.

Taqdim qilingan hujjatlar sug'urta tovonini to'lash bo'yicha qaror qabul qilishga imkon bermagan hollarda Sug'urtalovchi yakuniy hulosani qabul qilish uchun zarur qo'shimcha (rentgen surati, tergov tashkilotlarining hujjatlari va boshqa) hujjatlarni so'rash huquqiga ega.

11.2. Sug'urtalangan shaxs baxtsiz hodisa tufayli vafot etganda Sug'urta qildiruvchi ariza bilan birga Sug'urta polisini va O'limi to'g'risidagi guvohnomani notarial idora tomonidan tasdiqlangan nusxasi, Sug'urta qildiruvchining/vorisning shaxsini tasdiqlovchi hujjat, vorislik huquqi to'g'risida notarial idora tomonidan tasdiqlangan guvohnoma nusxasi.

11.3. Sug'urta tovonni miqdorini aniqlovchi mas'ul shaxs hisob-kitob bo'limidan baxtsiz hodisalardan sug'urtalash shartnomasi bo'yicha Sug'urta mukofoti olinganligini tasdiqlovchi ma'lumotnomani olishi lozim.

XII. TOMONLARNING JAVOBGARLIGI

12.1. Mazkur Oferta asosida tuzilgan Sug'urta shartnomasi shartlarini bajarmaganlik yoki kerakli darajada bajarmaganlik uchun Tomonlar O'zbekiston Respublikasining amaldagi qonunchiligiga muvofiq javobgarlikka tortiladi.

XIII. NIZOLARNI KO'RIB CHIQISH TARTIBI

13.1. Mazkur Oferta asosida tuzilgan Sug'urta shartnomasidan, Sug'urtalovchi va Sug'urta qildiruvchi (Sug'urtalangan shaxs) o'rtasida kelib chiqadigan barcha nizolar o'zaro kelishuvga asosan, kelishish imkoni bo'lmasa, O'zbekiston Respublikasida amaldagi qonunlarda belgilangan tartibda ko'rib chiqiladi.